



OPĆINSKO VIJEĆE

Na osnovu člana 13. Zakona o principima lokalne samouprave u Bosni i Hercegovini /"Službene novine Federacije Bosne i Hercegovine", broj: 49/06 i 51/09/, člana 23. i člana 104. stav (1) Statuta opštine Ilijaš-Prečišćeni tekst /"Službene novine Kantona Sarajevo," broj: 20/09/ i člana 99. stav (1) Poslovnika Opštinskog vijeća Ilijaš /"Službene novine Kantona Sarajevo," broj: 2/10 i 18/15/, Opštinsko vijeće Ilijaš na ____ sjednici održanoj dana ____ 2017. godine donijelo je

ODLUKU O DAVANJU MIŠLJENJA I SAGLASNOSTI KANTONU SARAJEVO NA PRIJEDLOG ZAKONA O IZMJENI ZAKONA O KOMUNALNOJ ČISTOĆI

Član 1.

Ovom Odlukom daje se pozitivno mišljenje na Prijedlog Zakona o izmjeni Zakona o komunalnoj čistoći kojim se u članu 76a. riječi "godinu dana" zamjenjuju riječima "dvije godine", a koji je utvrđen je na 80. sjednici Vlade Kantona Sarajevo Zaključkom, broj:02-05-15292-4.1 od 14. 04. 2017. godine.

Skupštini Kantona Sarajevo daje se saglasnost za njegovo donošenje.

Član 2.

Ova odluka stupa na snagu danom objavljivanja u "Službenim novinama Kantona Sarajevo".

Broj: 01/1-

Ilijaš: ____ maja 2017. godine

Predsjedavajući
Opštinskog vijeća Ilijaš

Mahir Dević, prof.

O b r a z l o ž e n j e

I- Pravni osnov:

Pravni osnov za donošenje Odluke sadržan je u odredbi člana 13. Zakona o principima lokalne samouprave u Bosni i Hercegovini /"Službene novine Federacije Bosne i Hercegovine", broj: 49/06 i 51/09/, člana 23. i člana 104. stav (1) Statuta opštine Ilijaš-Prečišćeni tekst /"Službene novine Kantona Sarajevo," broj: 20/09/ i člana 99. stav (1) Poslovnika Opštinskog vijeća Ilijaš /"Službene novine Kantona Sarajevo," broj: 2/10 i 18/15/.

Odredbom člana 13. Zakona o principima lokalne samouprave u Bosni i Hercegovini /"Službene novine Federacije Bosne i Hercegovine", broj: 49/06 i 51/09/ utvrđeno je da opštinsko vijeće donosi odluke, druge propise, opšte akte i daje njihovo tumačenje.

Odredbom člana 23. Statuta Opštine Ilijaš-Prečišćeni tekst /"Službene novine Kantona Sarajevo," broj: 20/09/ utvrđeno je da opština u okviru svoga samoupravnog djelokruga, a u skladu sa zakonom kojim se uređuju pojedine oblasti, između ostalog obavlja komunalne i druge uslužne djelatnosti, te lokalne infrastrukture.

Članom 104. stav (1) Statuta utvrđeno je da Opštinsko vijeće Ilijaš /između ostalog/ donosi opštinske propise /odluke/.

Odredbom člana 99. stav (1) Poslovnika Opštinskog vijeća Ilijaš /"Službene novine Kantona Sarajevo," broj: 2/10 i 18/15/, utvrđeno je da Opštinsko vijeće Ilijaš /između ostalog/ donosi opštinske propise /odluke/.

II- Razlozi za donošenje Odluke:

Programom rada OV Ilijaš za 2017. godinu nije planirano donošenje ove odluke, ali potrebno je donijeti iz slijedećih razloga:

Dopunskom presudom Ustavnog suda Federacije Bosne i Hercegovine, broj: U-21/09 od 21. 10. 2015. godine utvrđeno je da Zakon o komunalnoj čistoći /"Službene novine Kantona Sarajevo", broj:11/97/ povrjeđuje pravo Grada Sarajevo na lokalnu samoupravu. Ova presuda objavljena je u "Službenim novinama Kantona Sarajevo", broj: 4/16/ dana 28. januara 2016. godine i od tog dana ovaj Zakon se nije mogao primjenjivati, te je bilo potrebno donijeti novi Zakon o komunalnoj čistoći. Prije donošenja novog Zakona potrebno je donijeti Zakon o lokalnoj samoupravi. Dakle, potrebno je vrijeme za njihovu pripremu i usvajanje.

Kao privremeno rješenje Skupština Kantona Sarajevo na sjednici održanoj u Sarajevu dana 30. 03. 2016. godine donijela je Zakon o komunalnoj čistoći i isti je objavljen u "Službenim novinama Kantona Sarajevo", broj:14/16.

Opštinsko vijeće Ilijaš na sjednici održanoj dana 31. marta 2016. godine donijelo je Odluku o davanju mišljenja i saglasnosti Kantonu Sarajevo na Prijedlog Zakona o komunalnoj čistoći i ista je objavljena u /"Službenim novinama Kantona Sarajevo", broj:14/16/.

Zakon je stupio na snagu narednog dana od dana njegovog objavljivanja u "Službenim novinama Kantona Sarajevo". Odredbom člana 76a. Zakona utvrđeno je da će se Zakon primjenjivati do donošenja Zakona o lokalnoj samoupravi, a najduže šest mjeseci od dana njegovog stupanja na snagu.

Ostavljeni rok je protekao, a Skupština Kantona Sarajevo nije donijela Zakon o lokalnoj samoupravi. Da bi se Zakon o komunalnoj čistoći i dalje mogao primjenjivati član 76 a. izmijenjen je Zakonom o izmjeni Zakona o komunalnoj čistoći tako da su riječi "šest mjeseci" zamijenjene riječima "godinu dana". Ovaj Zakon objavljen je u "Službenim novinama Kantona Sarajevo", broj:43/16.

I ovaj rok je istekao, a Skupština Kantona Sarajevo nije donijela Zakon o lokalnoj samoupravi. Da bi se Zakon o komunalnoj čistoći i dalje mogao primjenjivati Vlada Kantona Sarajevo je zaključkom, broj:02-05-15292- 4/17 utvrdila Prijedlog Zakona o izmjeni Zakona o komunalnoj čistoći u kome se član 76 a. ponovo mijenja tako da se riječi "godinu dana" zamijene riječima "18 mjeseci".

Opštinsko vijeće Ilijaš na sjednici 30. marta 2017. godine donijelo je Odluku o davanju mišljenja i saglasnosti Kantonu Sarajevo na Prijedlog zakona o izmjeni Zakona o komunalnoj čistoći. Odluka je objavljena u "Službenim novinama Kantona Sarajevo," broj:14/17. U međuvremenu u resornom ministarstvu i Vladi kantona Sarajevo su se predomisili tako da Skupštini Kantona Sarajevo nikada nisu uputili tako utvrđen Prijedlog zakona. Vlada Kantona Sarajevo na 80. sjednici održanoj dana 14. 04. 2017. godine utvrdila je novi prijedlog Zakona u kome se član 76a. mijenja i riječi "godinu dana" zamjenjuju se riječima "dvije godine".

Dana 18. maja 2017. godine između Službe za prostorno uređenje i stambeno-komunalne poslove Opštine Ilijaš i Vlade Kantona Sarajevo obavljen je razgovor u kome je predstavnik Vlade insistirao da opština Ilijaš da pozitivno mišljenje i suglasnost na ovako utvrđen Prijedlog Zakona o izmjeni Zakona o komunalnoj čistoći. Sa time se ova Služba saglasila.

III- Obrazloženje pravnih rješenja sadržanih u Odluci:

Članom 1. utvrđeno je da se Kantonu Sarajevo daje pozitivno mišljenje na Prijedlog Zakona o izmjeni Zakona o komunalnoj čistoći i saglasnost Skupštini Kantona Sarajevo za njegovo donošenje.

Članom 2. utvrđeno je ova odluka stupa na snagu narednog dana od dana donošenja, a naknadno će se objaviti u "Službenim novinama Kantona Sarajevo". Ovo iz razloga što je Zakon o izmjeni Zakona o komunalnoj čistoći potrebno donijeti u što kraćem roku.

IV- Finansijska sredstva za provođenje Odluke:

Za provođenje ove Odluke u Budžetu Opštine Ilijaš nije potrebno obezbjeđivati finansijska sredstva.

Predlagač Odluke je Opštinski načelnik shodno odredbi člana 113. Poslovnika Opštinskog vijeća Ilijaš /"Službene novine Kantona Sarajevo", broj:2/10 i 18/15/. Obradivač Odluke je Služba za prostorno uređenje i stambeno-komunalne poslove Jedinstvenog organa uprave Opštine Ilijaš.

Predlažemo Opštinskom vijeću Ilijaš da Odluku donese u dostavljenom tekstu.

PRILOG: Prijedlog Zakona o izmjeni Zakona o komunalnoj čistoći.

Služba za prostorno uređenje i
stambeno-komunalne poslove



Broj: 02-23-10652/17
Sarajevo, 20.04.2017.

GRAD SARAJEVO
n/r gradonačelnik
SARAJEVO

OPĆINA CENTAR
n/r načelnik
SARAJEVO

OPĆINA STARI GRAD
n/r načelnik
SARAJEVO

OPĆINA NOVO SARAJEVO
n/r načelnik
SARAJEVO

OPĆINA NOVI GRAD
n/r načelnik
SARAJEVO


OPĆINA ILIDŽA
n/r načelnik
ILIDŽA

OPĆINA ILIJAŠ
n/r načelnik
ILIJAŠ

OPĆINA VOGOŠĆA
n/r načelnik
VOGOŠĆA

OPĆINA HADŽIĆI
n/r načelnik
HADŽIĆI

OPĆINA TRNOVO
n/r načelnik
TRNOVO



PREDMET: Dopuna Zahtjeva za produženje obavljanja komunalne djelatnosti od strane Kantona Sarajevo - Urgencija

Poštovani,

Dopisom broj: 02-23-10652/17 od 13.03.2017. godine obratili smo Vam se sa zahtjevom za produženje obavljanja komunalne djelatnosti od strane Kantona Sarajevo, odnosno da date svoju saglasnost i pozitivno mišljenje na Prijedlog Zakona o izmjeni Zakona o komunalnim djelatnostima i Prijedlog Zakona o izmjeni Zakona o komunalnoj čistoći, a kojima se primjena zakona produžuje na 18 mjeseci kako se ne bi došlo u situaciju da obavljanje komunalnih djelatnosti ostane neregulisano zakonskom regulativom što može prouzrokovati negativne posljedice za rad javnih komunalnih preduzeća Kantona Sarajevo i dovesti u pitanje funkcionisanje same komunalne privrede.



Međutim, Zaključcima Vlade Kantona Sarajevo broj:02-05-15292-3.1/17 od 14.04.2017. godine i broj:02-05-15293-4.1/17 od 14.04.2017. utvđeni su Prijedlozi navednih zakona kojima je njihova primjena produžena na dvije godine (do 08.04.2018.godine).

Obzirom da zakoni uređuju odnose i pitanja za čije uređivanje postoji neodložna potreba, te da bi donošenje zakona u redovnom postupku moglo da izazove štetne posljedice za društvene interese u Kantonu, Vlada Kantona Sarajevo je predložila da se navedeni materijal uputi Skupštini na razmatranje i usvajanje po hitnom postupku, shodno članu 159. Poslovnika Skupštine Kantona Sarajevo („Službene novine Kantona Sarajevo“, br.:41/12-Drugi novi prečišćeni tekst, 15/13, 47/13, 47/15 i 48/16).

Iz svega navedenog, molim Vas da u što skorijem roku date svoju saglasnost i pozitivno mišljenje na Zakon o izmjeni Zakona o komunalnim djelatnostima i Zakon o izmjeni Zakona o komunalnoj čistoći koji Vam dostavljamo u prilogu, kako bi se omogućilo obavljanje komunalnih djelatnosti na način kako je to i do sada rađeno, a do definitivnog uređenja ove oblasti.

S poštovanjem,



Dostaviti:

1. Naslovu x 10
2. Evidencija
3. a/a



web: <http://vlada.ks.gov.ba>
e-mail: premijer@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1





Broj: 02-05-15292-4.1/17
Sarajevo, 14.04.2017. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj 36/14 - Novi prečišćeni tekst i 37/14 – Ispravka), Vlada Kantona Sarajevo na 80. sjednici održanoj 14.04.2017. godine, donijela je slijedeći


ZAKLJUČAK

1. Utvrđuje se Prijedlog zakona o izmjeni Zakona o komunalnoj čistoći.
2. Predlaže se Skupštini Kantona Sarajevo da navedeni Zakon pretrese i donese po hitnom postupku u skladu sa članom 159. Poslovnika Skupštine Kantona Sarajevo („Službene novine Kantona Sarajevo“, br: 41/12 - Drugi novi prečišćeni tekst, 15/13, 47/13, 47/15 i 48/16).
3. Stavlja se van snage Zaključak Vlade Kantona Sarajevo broj: 02-05-15292-4/17 od 14.04.2017. godine.



Dostaviti:

1. Predsjedavajućoj Skupštine Kantona Sarajevo
2. Skupština Kantona Sarajevo
3. Premijeru Kantona Sarajevo
4. Ministarstvo komunalne privrede i infrastrukture
5. Evidencija
6. Arhiva



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
VLADA**

**ZAKON
O IZMJENI ZAKONA O KOMUNALNOJ ČISTOĆI
(Prijedlog)**

**Nosilac izrade:
Ministarstvo komunalne privrede i infrastrukture**

Sarajevo, mart 2017. godine

Na osnovu člana 12. tačka e) i člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96-Ispravka, 3/96-Ispravka, 16/97, 14/00, 4/01, 28/04 i 6/13), Skupština Kantona Sarajevo, na sjednici održanoj _____ godine, donijela je

(PRIJEDLOG)

**ZAKON
O IZMJENI ZAKONA O KOMUNALNOJ ČISTOĆI**

**Član 1.
(Izmjena člana 76a. Zakona)**

U Zakonu o komunalnoj čistoći („Službene novine Kantona Sarajevo“, br.: 14/16 i 43/16), u članu 76a. riječi: „godinu dana“ zamjenjuju se riječima: „dvije godine“.

**Član 2.
(Stupanje na snagu)**

Ovaj zakon stupa na snagu narednog dana od dana objavljivanja u "Službenim novinama Kantona Sarajevo".

Broj 01-_____/17
_____ 2017. godine, Sarajevo

**Predsjedateljica
Skupštine Kantona Sarajevo
Prof. Ana Babić**

O B R A Z L O Ž E N J E

PRAVNI OSNOV:

Pravni osnov za donošenje Zakona o izmjeni Zakona o komunalnoj čistoći sadržan je u članu 12. Tačka e. i člana 18. Tačka b. Ustava Kantona Sarajevo („Službene novine Kantona Sarajevo“, br. 1/96, 2/96 – ispravka, 3/96-ispravka, 16/97, 14/00, 4/01, 28/04 i 6/13), prema kojima je Kanton isključivo nadležan za utvrđivanje politike koja se tiče reguliranja i osiguravanja javnih službi, a Skupština Kantona Sarajevo nadležna da donosi zakone i druge propise iz nadležnosti Kantona, izuzev propisa koji su Ustavom ili zakonom dati u nadležnost Vlade Kantona.

RAZLOZI DONOŠENJA:

Dopunskom presudom broj U-21/09 od 21.10.2015. godine, koju je donio Ustavni sud Federacije Bosne i Hercegovine, stavljen je van snage Zakon o komunalnoj čistoći („Službene novine Federacije Kantona Sarajevo“, br.: 31/14, 21/05 i 36/14) zbog povrede prava Grada Sarajevo na lokalnu samoupravu. Na osnovu saglasnosti općina na teritoriji Kantona Sarajevo, Skupština Kantona Sarajevo je donijela novi Zakon o komunalnoj čistoći („Službene novine Kantona Sarajevo“, broj:14/16) koji je stupio na snagu narednog dana od dana objavljivanja u „Službenim novinama Kantona Sarajevo“, i čije važenje je do donošenja Zakona o lokalnoj samoupravi Kantona Sarajevo, a najduže šest mjeseci od dana donošenja zakona, a nakon čega je Skupština Kantona Sarajevo je usvojila Zakon o izmjeni Zakona o komunalnoj čistoći („Službene novine Kantona Sarajevo“, broj: 43/16) kojim je produžena njegova primjena za još 6 (šest) mjeseci, odnosno do 28.04.2017. godine. Obzirom da primjena Zakona ističe 28.04.2017. godine, te da je Programom rada Skupštine Kantona Sarajevo za 2017.godinu planirano u mjesecu maju 2017. godine usvajanje prijedloga Zakona o lokalnoj samoupravi koji je osnov za donošenje ovog Zakona, odnosno potrebno ga je uskladiti da Zakonom o lokalnoj samoupravi, ponovo je neophodno izmijeniti navedeni zakon u dijelu njegovog važenja i isti produžiti na dvije godine kako se ne bi došlo u situaciju da obavljanje komunalnih djelatnosti ostane neregulisano zakonskom regulativom što može prouzrokovati negativne posljedice za rad javnih komunalnih preduzeća Kantona Sarajevo i dovesti u pitanje funkcionisanje same komunalne privrede.

Obzirom da Zakon uređuje odnose i pitanja za čije uređivanje postoji neodložna potreba, te da bi donošenje Zakona u redovnom postupku moglo da izazove štetne posljedice za društvene interese u Kantonu, predlažemo Vladi da se navedeni materijal razmatra, te utvrdi Prijedlog navedenog Zakona i isti u Skupštinu uputi po hitnom postupku, shodno članu 159. Poslovnika Skupštine Kantona Sarajevo („Službene novine Kantona Sarajevo“, br.:41/12-Drugi novi prečišćeni tekst, 15/13, 47/13, 47/15 i 48/16).

POTREBNA FINANSIJSKA SREDSTVA:

Za provođenje ovoga zakona nije potrebno obezbijediti finansijska sredstva u Budžetu Kantona Sarajevo.